



Broj: 02-05-2293/18  
Lukavac, 30.08.2018.godine

Na osnovu člana 69. stav (2) tačka d) i člana 70. stav (4) Zakona o javnim nabavkama („Sl. glasnik BiH“, broj: 39/14), na Preporuku Komisije za provođenje postupka javne nabavke broj: 02-05-2293/18 od 29.08.2018.godine u otvorenom postupku javne nabavke radova za izgradnju spomen obilježja u MZ Poljice, Općinski Načelnik d o n o s i

## O D L U K U o poništenju postupka javne nabavke

### Član 1.

Poništava se postupak javne nabavke radova za izgradnju spomen obilježja u MZ Poljice, shodno članu 69. stav (2) tačka d) Zakona o javnim nabavkama („Sl. glasnik BiH“, broj: 39/14), iz razloga što nijedna od primljenih ponuda nije prihvatljiva.

### Član 2.

Ova Odluka objavit će se na internet stranici ugovornog organa ([www.lukavac.ba](http://www.lukavac.ba)) istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

### Član 3.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

## O b r a z l o ž e n j e

Općina Lukavac je Odlukom Općinskog Načelnika broj: 02-02-1-2292/18 od 07.08.2018.godine pokrenula otvoreni postupak javne nabavke radova za izgradnju spomen obilježja u MZ Poljice. Procjenjena vrijednost javne nabavke bez PDV-a iznosila je 8.500,00 KM. Obavještenje o nabavci broj: 719-1-3-71-3-86/18 objavljeno je na Portalu javnih nabavki dana 08.08.2018.godine.

Komisija za provođenje postupka nabavke imenovana Rješenjem broj: 02-05-2323/18 od 09.08.2018.godine, otvorila je ponude i utvrdila sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da su ponude ponuđača „ED-MEL“ doo Lukavac i „FAJOL“ doo Lukavac nepotpune i ne ispunjavaju zahtjeve iz tenderske dokumentacije.

Strana 1 od 2



ISO 9001:2015  
No. 308550 QM15

Općina Lukavac - Općinski Načelnik, Trg slobode 1, 75300 Lukavac  
[www.lukavac.ba](http://www.lukavac.ba), e-mail: [kabinet-nacelnika@lukavac.ba](mailto:kabinet-nacelnika@lukavac.ba)  
Tel. +387 35 366 700, fax: +387 35 366 703



ISO 9001:2015 No.  
308550 QM15

Nakon izvršenog otvaranja Komisija je konstatovala da ponude ponuđača „ED-MEL“ doo Lukavac i „FAJOL“ doo Lukavac nisu potpune i ne ispunjavaju zahtjeve iz tenderske dokumentacije.

Naime, ponuđač „ED-MEL“ doo Lukavac, nije dostavio ispravno zapečaćenu ponudu, te na propisan način uvezanu i označenu, a u ponudi nedostaju svi dokumenti traženi tenderskom dokumentacijom izuzev obrasca za ponudu i obrasca za cijenu ponude. Ponuda ponuđača „ED-MEL“ doo Lukavac nije potpuna i ne ispunjava zahtjeve iz tenderske dokumentacije.

Ponuđač „FAJOL“ doo Lukavac, nije preuzeo tendersku dokumentaciju sa Portala javnih nabavki, nije dostavio ispravno zapečaćenu ponudu, te na propisan način uvezanu i označenu, a u ponudi nedostaju svi dokumenti traženi tenderskom dokumentacijom izuzev obrasca za ponudu i obrasca za cijenu ponude. Ponuda ponuđača „FAJOL“ doo Lukavac nije potpuna i ne ispunjava zahtjeve iz tenderske dokumentacije.

Uvažavajući razloge za odbacivanje ponude definisane članom 68. stav 4. tačka i) ZJN („Službeni glasnik BiH“, broj: 39/14), data je preporuka Općinskom Načelniku da se postupak nabavke radova za izgradnju spomen obilježja u MZ Poljice poništi.

Uzimajući u obzir naprijed navedeno, riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Sekretar komisije:  
Fahrudin Hasanhodžić



**OPĆINSKI NAČELNIK**  
Dr. Sc. Edin Delić

#### **Dostaviti:**

1. "ED-MEL" doo Lukavac
2. "FAJOL" doo Lukavac
3. Evidenciji i
4. Arhivi.